

李中麓閒居集序



世有好棊與詩酒者壽將百歲客問老者曰此三者動火而耗氣血何以能躋高壽老者自言吾之於棊信手而已於詩信口而已於酒取其淡白者解渴吻潤枯腸而已薛西原詩能逼唐後會馬西玄於濠梁曰古來詩人惟一陳簡齋李愚谷夢虞集自託於常評事唐荆川欲效寒山擊壤集王南江語所知曰佳文無如學庸兩序四子者當其幼年盛氣詩文皆尚奇古且在

仕途欲以功業雄出一時而流名百代及其世
故熟而世情淡齒長官罷故其所言如此而老
者原以布衣是以以三者終其身中麓子雖資
不敏而才最下亦嘗官京師從數子刻苦為奇
古詩復欲建功立業如四子所期待年四十罷
歸田里既無用世之心又無名後之志頓然覺
悟詩不必作作不必工或撫景觸物興不能已
或有重大事及親友懇求時
所見如老者之詩之恭洒

自稱其集曰閒居以別官居時苦
官之苦多矣固不獨作詩云耳吾全
得失作詩不較工拙其樂有難以言傳者觀吾
詩者幸求諸言外可也

嘉靖丙辰立冬日中麓李開先書

李中麓閒居集之一

章丘李開先著

四言古詩

大河久旱而雨志喜也僖公閔雨喜雨春秋書之見其有志於民是故雨旱民命也閔喜人情也作大河

大河涓涓高山童童道多渴死民乃困窮誰知離亂即于我躬

大江以南太行而東久遭金華旱當蘊隆三年

于茲千里其同

五日不雨歲飢而凶十日不雨莫知所終寧獨

知慧憂及愚蒙

天仁不靳憫恤吾農勢極必復雨而以風風不

害稼雨且殺蟲

初雨濛濛已而蔽空涓瀑淙淙黍穀芄芄民不

告飢年或可豐

蛟迷其少鱗漢其封三時不怨

通由稔

而登大熟重逢

潤彼枯槁蘇此疲瘠田有歌聲里有欣幸謝神
于社伐鼓擊鑪

大河七章章六句

客有問唐朝科目何如我朝者因為是

詩應之

大唐制科名多實罕長材廣度辭標文苑風雅

古調智謀宏遠志烈秋霜文律辭殫賢良方正

直言侃侃抱器懷能隨時舒卷孝弟力田聞於

里閑逸淪屠釣困窮偃蹇博學宏詞名實無忝

達于吏理明果能斷搜羅不遺國運綿衍偏重
詩賦是其所短宋尚理學辭章個烜至於前元
為政多舛胡漢兩科胡榮漢赧晚專奔競賢才
踈散 太祖開天八方納款版籍就程草竊盡
剪並用三途行年不限辟薦科貢名登仕版兼
摠前朝令甲嚴簡開科比試文武並攬文試經
術才猷書算武觀騎射勇略精悍安南高麗不
分殊產立賢無方禮賢設館可比以 百鄉舉里
選但觸國禁罪不可緩削籍仆碑。 難不

樂仕進林泉仰偃 英廟以來石日 鮮歲貢
亦輕進士尊顯賢偽彬彬仕途坦坦或外或中
志舒名滿不貴徒言躬行實踐恪守官箴慎修
行檢官邪吏貪無由苟免國法不容物議難掩
輕則罷斥重則刑譴條綱漸壞弊端不殄倖位
亦多科名力舉文浮而虛味短而淺救華以質
勢極當反薄劣寡聞聊述舊典測海以蠡窺天
以管國體通達則吾豈敢

贈武定兵備饒湖田

林有虎樵蘇見阻君子其來荷戈殺汝
陸有豺成我形骸今得無恐君子其來

林虎二章四句

五言古詩

遊山莊

折枝驅蹇驢、囊破路遺書、饑瘦兩村僕、短衣不
掩裾、早熟時當午、塵途甚超超、一僕氣猶壯、一
僕力不舒、壯者唱山歌、倦者長歎歎、歎路窮林忽
出、報已抵山居、土壁架草屋、依巖斂成里、間知有
遠客到、田父欣候余、為黍必殺雞、雞飛過隣廬、
開甕出濁醪、提筐剪野蔬、醉飽臥繩床、一夢遊
華胥、醒來山月上、起步隨所如、俞心覺夜氣清、頓

教塵慮除，若非畏擾主，一月不歸歟。

觀馬和之詩經圖

錢塘馬工部畫筆擅江潭，雖然效吳裝，其實可
並騫孝宗與上皇，珍藏凡幾函，曾命為詩圖，首
先寫葛覃，幽風總不遺，擇取在二南，所重惟農
事，稼穡及桑蚕，道君善花鳥，視此寧無慚。

憫農

二麥口麤收，早禾葉未抽，恒言打麥秀然咨夏僅
免亢，嗚難有秋，逋負不能償，逃亡不可留，貧者

賣兒女，富者賣馬牛，倒懸誰與解，沈痼何時瘳，
民貧盜必侈，甕牖起戈矛，古來有明驗，君子懷
隱憂，願言司牧者，亟為達宸旒。

紀舊事

客有為小卿，同時居京師，吾罷渠方熾，鑽刺惟
孜孜，乞哀當昏夜，行賄恐後時，爭走終南捷，不
恤路人嗤，踪跡忽彰露，譏彈首見麾，奴逃門吏
散，遷謫向邊陲，不但祿位失，兼之名節虧，智衰
謀計左，色沮語言遲，居人不覺久，泥塗力難支。

飛書免當路，天風幸早吹。不敢望召還，但求且
量移。濁潦暫解渴，糲食亦充饑。人言猶不靜，京
考忽及期。仍以舊時事，免官分所宜。還鄉行不
進，難見舊親知。戲子罷登場，洗去粉與脂。始覩
真面目，羞恨剃鬚眉。醜態儼如昨，悔心不可追。
冥行古有戒，銓曹固無私。

富村翁

家世本小山，上事業惟田疇。經年一到縣，半生不
出州。赴齋乘乳馬，宰社推肥牛。燠乾一雨足，談

笑復歌謳。多收十斛麥，心輕萬戶侯。黍穀歸倉
廩，高聲便唱籌。曆書不會看，何以辨春秋。花開
是春種，花落是秋收。晦前月如盤，朔後月如鉤。
胸中無別慮，身外復何求。吾惟曾作吏，浸淫有
智謀。若是終田舍，此老共為儔。

元夕

焚香拜母筵，有客來相訪。云歷四通衢，無一燈
可賞。曩歲當此夕，華燈錯相晃。香風蔽地來，寶
月中天朗。士女與妖童，三三或兩兩。群遊及晨

鐘笑歌還鼓掌有司虞風火急出防閑廢自後
歲不登冠盜時擾攘佳節雖云同樂事不及往
語罷客出門因之動遐想

將除服有作

未塋服不改深衣與練冠母亡及禫除改之心
不安但守時王制稍為更其端衰病力不任入
以塋為難足復被重傷行步長跼跚明春必衰
事積罪或可寬身世等飄梗光陰如逝湍當食
悲枯捲當寢憶熊丸廢詩哀王哀刻形效丁蘭
追念母存日抱孫笑相看乃今俱已矣五內徒
辛酸短嘆復長號交頤涕洟瀾

暑夜讀史

用人如積薪後至反居上去惡如逐獸猛者不
敢傍功高多不封疑深為叢謗佞或以巧逢賢
或以直放貞士羞折腰茂宰徒強項忠臣不二
心孝子能終養用舍關朝政責在君與相史以
鑒興衰讀之增感愴盛暑助燈輝蚊蚋集書幌
囊螢效車胤燃藜擬劉向倦極方掩書月出薰

風蕩乘涼可安寢近事渾已忘何為對陳跡今
人情不暢

京友怪予久無書問解以是詩

禁嚴潛住京官吏曾遭黜

罷間官吏潛居京師有禁

居人書

入京寧不與同律懶書效稽康上書笑韓愈奚
必泥功名養生亦多術

林居追憶往事

嚮用笑彈冠不如且考槃棲息性和安不思再
賜環乘風行柳下伴月卧花間身外無餘物心

內有餘閒往山成遊華省微幸竊米銜已分破崖
岸猶自起波瀾同時八九子相次失其官但看
摧折易莫道生才難

喜得脉泉李方伯還家

李君負經濟聲價重太呂生值 聖明君超三
還邁五出入三十年臺省及州府由縣歷方岳
俸餘一無取是處吏畏威所至民安堵遷移向
南天萬里路險阻暫時屈遠方終當踐台輔群
工無貶辭同官造飛語免官以老疾失實誰與

剖髮黑且善飯力強步輕舉言客首問君君意
不少憊婉辭權應客昔疾今幸去促駕治行裝
即日便解組藩司失一賢吾今喜有侶不但是
通家交好兩無拒壯歲更同朝自幼相爾汝別
久情愈切朝夕空延佇音塵知不遙命僕具鷄
黍掃榻潔門庭敲冰兼酌醕于以叙積懷于以
清煩暑僕馬忽抵鄉鄉人正喜雨行李甚蕭條
先驅無負怒兮雅志笑桓榮區區誇稽古宗元在
遠地猿鳥久與伍絕域使班超老年思鄉土旅

不止商人仕宦皆為旅昔走無定方今歸有寧
宇行藏隨所遭為虎亦為鼠行則列廟堂藏則
棲畎畝逝矣脫朝紳欣然偶田父有時除茂草
有時搴芳杜帶月弄潺湲鶴洲及鳧渚驚夢疑
朝鍾靜聽乃社鼓新詩寺壁題薺羨僧舍煮鹿
豕不離門魚蝦長登俎列子四十年興居在園
圃古人獲我心惡僚不可與官尊少全歸全可
屈指數井竭以其甘李存以其苦人羨吾與君
林泉各得所相要至百年相語傾肺腑村鎮况

比隣往來送為主飽飯愧無功緝書差有補事
齋王克著論衡置筆遍牆柱尸位有愧顏梁竦
為七序得用惟經學不須守傳註昨聞有檄下
備查君出處事多急用人早晚有徵取若非南
備倭定然北却虜譬諸舉大木衆力呼邪許閉
門倘堅卧何以慰當宁還復登廟廊莫戀舊
版築大旱沛商霖兼為周仲甫聲名人共聞勲
業人爭覩吾不賦招隱君須惠農譜得朋復失
之獨行仍踽踽

九子詩共九首有序

李崆峒有九子詩率多詩文之友予亦有友
九人焉詩文而兼經濟者也勿論經濟其詩
文不屑乎今而實不外乎今不蹈乎古而實
不遠乎古有可掩蔽前九子者馬同履仕途
相繼一蹶弗起惟趙浚谷起而復蹶產各殊
方無緣再會別近者亦且十年餘矣丙辰六
月六日熱蒸坐甑蚊衆成雷通宵不能假寐
安得高閣迎風而玉井含霜乎起步中庭仰

見玉繩將低銀河已徙爰念同心作為九詩
歌之童子群然和之聲驚隣舍古謂朝歌歌
非其時然則予歌誠亦非時而予情有不能
已耳次日困卧遲起即命歌童從而記之

李愚谷舜臣

近有一函使爰自齊城來拜使發其函故人遠
見懷首叙別離久繼及病為災雖云親湯藥猶
不廢啣杯夜則注六經日則登古臺注經亦獨
得弔古有餘哀有時為詩文詩細而文該濟時

富經畧可惜困蒿萊君才猶偃蹇况我更非才

劉嵩陽繪

皇家設諫垣勝任實為難不專王言出百職要
繩彈夏相昔貪縱獨能發其奸奏疏雖留中幸
采動朝班出之守遠郡民安樂管絃台臣勢方
張就間已為寬我事與君同不為彼所歡我歸
負耕耒君歸執釣竿兼能為辭賦獨步登騷壇
側聞環溪勝無緣一縱觀安得如飛鳥南翔假
羽翰兩送兵生去臨風徒自嘆

羅念菴洪先

學宮得書札遠自南州發外封托置郵雖遲終

必達足何相思深不愁鱗鴻乏有一公文章立儒學開折剖之

則念菴寄書也亦可謂篤於思而巧於計矣少小承庭訓清白守家

法理學窺孔孟對策擬董賈賜第第一人置身

在禁闈曲木人不愛直木乃先伐歸來仍故吾

升沉何足誅藜杖隨身便尊羨溜齒滑年與德

俱進傳聞尚黑髮真機長不息病根能悉拔處

友最沉密教人戒卓犖考禮輕小戴為文振大

雅義行重里閭飛聲遍天下韞玉待時沽非君

索高價

呂江峯高

呂子有仙骨近好長生術自遊揚州迴杜門再

不出上無覆身瓦下無充腸粟不能奉兄長固

宜惱童僕市道在門內路人何足恤治生甚括

据俯仰今稍裕罷棄原非罪心不少拂鬱駕部

昔為郎應變出倉卒督學在東方教勤無棄物

才名忌者多仕途遂乾沒公論終難泯有人直

吾曲暫鍛凌雲翼會展追風足

熊南沙過

祠郎熊叔子博學獨稱最為文奇且古不甚求

豐沛夙善說麟經易惟以理會舊有春秋就正錄後更著易

坦直無他腸定交在傾蓋頰首視薄夫江河與

溝澮遷謫為下僚曾不易其介疎簡懶折腰豈

能更束帶曉曉憎多口失官庸何害西蜀舊布

衣名正心為快聞罷辭友并刺止既不容於內

又不容於外一人何足惜世道可勝慨

唐荆川順之

唐君吾畏友剛果而有斷讀書古左史拜官今

右諫多能乃其餘象緯善推筭兩仕兩見麾不

能為巧宦羞稱卜和氏荆玉輕三獻著書似揚

雄解嘲兼解難又復似稽康因而成懶慢戰勝

身漸肥寡營病已間工文恐後思破焚筆與硯

見聞久棄捐心性能磨煉所居滿蓬蒿所食惟

藜藿他人或不堪妻子俱無怨但聞司牧貪憤

恨時扼腕別去歷歲時生來異鄉縣何日得合

兵再聽新雄辯

趙浚谷時春

披褐謁天子，未冠旅長安。文首南宮選，名高
北斗懸。止知登第易，不虞行路難。樹背無萱草，
令人長憂嘆。彈奸激義氣，交毀出無端。貧歸空
四壁，一日不再餐。牧豕在床下，飯牛過山前。微
賢不遺遠，主德越義軒。嘉其文且博，宮院列
清銜。上書再失指，仍守舊漁灘。邊疆忽不靖，羽
書日夜傳。烽火隣京國，不但寇祁連。起廢理邊

事仗劍，據征鞍。朔風吹易水，漢月照胡天。馬嘶
人慘慄，龍戰血彌漫。功多賞不及，何以斬樓蘭。
牙將無歡色，材官多苦顏。柳下三宜黜，阮生七
不堪。何時重聚首，西望隔秦關。恨無縮地術，相
憶摧心肝。慰愁檢佳集，愁多不忍看。

王遵巖慎中

罷秩中傷日，年纔三十三。不惟閒世務，人情亦
飽諳。冲霄負奇氣，懸河善劇談。曾效蘇門嘯，還
將禹穴探。馬群空冀北，鴻名播斗南。才真當一

面與弟為二難養家有柑圃養身有菊潭新居
瞻祖兆舊市起晴嵐往日太英發年來更渾涵
美玉及龍劍名高實不慚圭角既磨砥芒穎復
韜函有徵須早出莫得老雲巖

潘春谷高

外考作不及人心駭且警指劾非言路擬議非
臺省罷官出內批何由加一等貴人懷私憤假
公得一逞鳥乃驚曲木蛇乃是弓影知者聲其
寃不知尤其鯁英雄不被讒勳業外翁並

謂王晉漢

年少識兵機兼能和將領圖形上雲臺勒銘於
鍾鼎屢徵屢見撓天下空延頸時輩盡滔滔賢
人徒耿耿向在關西日軍容嚴且整督府稱其
能謂可備邊境薦疏不能救有如投諸井有書
過千卷有田不一頃食指日漸多難辭饑與冷
結綠在盤囊何時露鋒穎驥不遇孫陽駿足無
由騁壯士狹天下不須惜光景萬里只跬步千
年猶做頃

平陽哀

平陽哀者哀平陽府也嘉靖三十四年十二月十二日夜半山陝地震而山西似猶過之山西地震而平陽似又過之遠近同時起西北直往東南後雖屢震不止止有初次為災平陽所屬蒲解絳隰霍吉六州臨晉猗氏滎河安邑翼城聞喜垣曲岳陽曲沃大寧靈石萬泉永和芮城石樓稷山臨汾襄陵洪洞趙城汾西浮山平陸太平鄉寧夏絳蒲一十八縣壓死軍民四萬二千九百六十五名口塌

毀房屋一十五萬六千五百六十七間土窖二萬六千六十七空頭畜三萬一千三百九十五頭匹其蒲州滎河安邑臨晉十去八九數難盡查大約不下十數萬較之有名可查者損傷多矣止蒲州一處鄉士夫及遊宦死者如劉大參白少參楊苟二僉憲楊尚書因驚病死白參一門共死七人揚州判亦七人宗藩尤為可憫壓薨山陰王一位輔國將軍四位承國將軍一位鎮國中尉十七位輔國

中尉三位庶人五位縣主一位郡君一位淑
人一夫人四宗儀儀賓半俸儀賓共七員未
請名封子女并官人一百八十六名口宮室
宗廟宗學五百九十餘間其城墻城樓壞者
在處有之陝西地方則西安府華乾耀等州
咸寧長安三原涇陽富平臨潼興平高陵咸陽鄠
縣淳化真寧渭南等縣地方廣濶災傷數多
但比之平陽一府則不及矣宗藩聞亦若是
不哀陝而哀平陽以有來自彼處就熟於

者言之切而得之詳庶詩為真情序為實錄
也四方災異層見疊出倭寇戕害三吳兩浙
處所不止對半竊據不止三年今年正月初
一日新敞鎮折川兵一千二十一日山東河
南等處兵五百尚叅將一員指揮等十三員
三月二十六日報到倭船八十隻陸續到者
尤衆四月初三日在伯蔡港初七日在狼山
搶去張把總十四日突入慈谿殺死居民不
計其數鄉官腰金者三十餘荼毒名邑一空

困薄杭城劫掠瓜州儀真江陰等處又有一部常熟種田揚州關廂已被燒燬桐鄉知縣放一應死王秀才領兵五百立功贖罪出即降賊彎弓反射遂誅其十九口家屬今豎雲梯攻城復讐五月初五燒無錫一住十七日南燒至望亭鎮許墅關北至高橋巡檢司橫林落舍二鎮及各鄉村三百餘里又燒常州關廂并奔牛呂城二巡檢司本月二十七日燒丹徒大約南寧波北揚州東上海西湖州四

面二千餘里民謠有兵戈起練川流血染崑山及吳越干戈動嘉湖作戰塲云云其他訛言不可勝紀大端東南財力已竭西北自然坐困近差陳可願探聽迴還呈稱行到五島偶遇毛海峯語以藩司移咨事情彼即報稱同伴汪五峯今名王直在此日久素識夷情願殺賊立功只是國王孱弱號令不行惟山口獨稱霸主九事俱得自我有言皆由通番奸商及毛王二人勾引島夷為寇又有言彼

國連年荒旱米價騰貴專恃四外貿易因此
自造船隻合夥入寇而國王不知今云已傳
諭五島禁戰不來入犯難以輕信或毛王畏
懼本生傳諭國王曲為誘阻或悔悟已深懷
戀鄉土乘機立功亦不可知惟能先剿舟山
等處零賊有功心跡既明然後與官軍犄角
掃蕩竄穴總督撫按先有犒賞所獲功次隨
時具奏自有殊恩大拜照舊納貢開市若陽
順陰逆旁推別調以老我師必出神筭加大

兵臨機制勝自有不能殫述事宜地震倭寇
乃災害之極大者故于前因近報紀之特詳
然尚有不能盡者林泉廢人無由與知豈惟
有媿廣川之筆徐仲車目瞶耳聵面壁十年
不與四方士夫一接問之天下事無一不知
者鄙人有媿多矣占云地者積陰成質地震
者陰有餘也不有饑荒必有流血又曰地震
有聲者天下兵起又曰地裂陷者羗夷兵叛
中國者陽也外夷者陰也地震應驗非一大

率以陰薄陽之象地震已為民災而兆又有
災民生何不辰也

皇上道孚太素德擬重玄道已成而望若未見
德優入而謙不自居施不測之恩威有無方
之神化行者海不揚波五氣順軌永一統無
窮之治而收五兵不試之功中變外寇奚足
為患哉古云天心仁愛人君特出災異以譴
告之楚莊王見天下示警則曰天其志予今災
竒異多天其不忘且以仁愛而成盛治歟乎

陽客將辭行因以是告之少慰其心并係之
以詩以瀉予哀云

地震今方定平陽有客來向予泣且訴就食行
當迴去歲冬之夜古今無此災有如地維坼忽
然鳴疾雷屋傾同拉朽墻塌類崩崖物畜不足
恤民命等蒿菜豈獨民遭困宗藩半劫灰土
高約丈餘火似焚油柴大埠成深澗平地起隆
堆湖湘天決裂陝右地崩摧秦晉災相似人情
尚喧逐四方多變異詎止平陽哀戶曹倏降火

渭流却逆河、山崩兼泉湧、彗見復風霾、犬育在
鷄卵、蛇出由人懷、雨豆血淋漓、妖鳥羽毳毼、虎
產於猪腹、人生自驚胎、李樹忽結瓜、多而更且
魁、夜見火城出、蓮從土釜開、遠路無輕擔、窮民
反重差、徵求及鷄狗、刑罰及嬰孩、倭寇今熾盛、
慈谿餘燼煨、兵戈逼杭郡、風聲震江淮、詭言亦
可畏、藏機不易猜、吾病且無謀、何以保行骸、久
以嗣為慮、兼以老見催、一二有經濟、不見起朋
儕、致祥氣必和、致異氣必乖、聖人今在上、自

能下秦階、天心見仁愛、災奏司天臺、春秋聊紀
異、深媿廣川木

勉軍士三首

竈前聞溺聲、月沉夜方徂、斥問何為者、答言吾
乃符、胡不於戶外、戶外鬼柳榆、書符欲辟鬼、乃
為鬼所驅、征倭見倭走、軍前多懦夫、糧賞空糜
費、嗟哉符不如

客行偶晚歸、風雨冥前途、迴顧電光中、乃有追
且呼、羽衣頰而長、貌醜兼多鬚、以為是鬼物、恐

懼急奔趨追者叫相待吾乃有名巫扶持至城
郭必當報以符貴符為驅鬼符本巫所書巫身
不自保其術總然虛征倭走軍前多懦夫
糧賞空糜費嘆哉巫不如

病者須善藥訪醫甚勤渠衆推一院長知脉善
方書食祿歷年久活人千有餘竭誠造其室具
禮縛且都立候久不出出用兩人扶痰喘聲難
續痿黃面不舒鼻衄膝長痛唇焦背發疽病者
乃大笑不別便登車若果有奇術先將已病除

征倭見倭走軍前多懦夫糧賞空糜費嗟哉醫
不如

自敘

松栢伏磐石側出終凌雲隼雖暫塌翅迴旋薄
蒼旻迴旋吾不能側出苦無因既非後凋材鳥
雀與同群壯志已焉矣耕釣藏其身

邊事二首

邊事最堪憂達人悉知否壅蔽日愈深紀縉壞
已久失機却報捷虜級乃華首割尸猶不可避

兵遭毒手、或是單行客、或是孀居婦、虜中得逃、
迴命復如芻狗、虜至避其鋒、虜歸尾其後、拾得
牛馬還邊、功便借口、結士少歡心、行事多掣肘、
燃眉救眼前、噬臍將誰咎、月糧倘得數、年例依
期有缺伍、早補完、方能掃羣醜、安得朔方將、更
有西河守、邊塵盡日清、虜騎中宵走、一身擊安
危、千年名不朽、予非杞國人、願作橘中叟、飄然
出帝京、久矣棲畝畝、世事不關愁、著棊兼飲酒

又

邊急請內帑、三軍賴存活、譬諸行貨人、價爭少
與夥、賣價罄千文、買將七百削、遠汲山上泉、近
救道傍渴、管田難稽查、屯田久占沒、薪桂米如
珠、益引空擔閣、債帥劇貪婪、皮去仍加剝、外夷
且莫防、內變或將作、必須破格方、亟服瞑眩藥、
愚婦不勝愁、智者寧無覺

贈王南峽

昔為姑蘇守、不寶姑蘇物、垂橐旋故鄉、惟携一
枯木、俸餘五十金、深藏用土覆、掘出助公需、顏

色不少佛、歷任操愈嚴、清風長拂拂、官階今已
崇、官事久而熟、屬吏畏其威、下民受其福、文雅
鮮與倫、不專能幹局、新來嬰末疾、喜聞藥已勿
貪、風日漸長、民生日以蹙、如君得百人、內卿外
作牧、九有無干戈、四時聞絲竹、坐享太平春、吾
衰心亦足

冒雪遊繡江寺

出門雪初零、入寺勢方大、龕前有凍花、鉢內堆
冰菜、廢井填欬平、禪庵壓將壞、鳴聲忽譙人、饑

烏太無賴、天花淨不緇、慧澤融無外、迷津惟一
悟、世塵濯八解、安能如惠可、雪中有冥會

風雪中重遊玉泉寺

昔過玉泉寺、為華康仙客、今再玉泉寺、為吊李
方伯、前歲暖如春、此來寒太劇、朔風起石沙、玄
霧迷山澤、雪埋走馬蹄、樹凍棲禽翻、失路行迤
邐、喪朋長嘆惜、蘭若暫停輿、濕衣就火爇、叅禪
雖夙心、其奈日將夕、予亟趨帝城、僧仍依香積
再來多題詩、預為掃塵壁

紀夢

苦為塵事牽，自幸早歸田。茅舍渺雲際，長安遠日邊。屬當雨歇後，虹影插晴川。牛羊散西嶺，禾黍滿東阡。薄暮煙如織，中天月上弦。側身掩華戶，漱齒掬流泉。僕夫相枕藉，幽人獨未眠。萬籟寂無聲，四顧空茫然。倦來聊隱几，一夢到鈞天。醒而還復夢，夢境不殊前。既得聞廣樂，兼承玄素編。往惟慕其名，乃今扣其詮。吾惟無外慕，神清已有年。神清夢亦清，由此可學僊。紀夢偶有

作雜詩更百篇，一一詠閒曠。但不賦甘泉。

苦熱

昏中日在柳，炎帝司其職。苦渴多病身，煩熱何相逼。浹旬難夜眠，近午始朝食。止螫藥無能，驅蚊扇有力。莫為觸暑行，且就繁陰息。官微罷復久，賜冰胡可得。神馳寒露臺，夢想雪山域。雪山賦見妄念不須存，秋涼當在即。

月

曉從西海沉，晚自東山吐。行人馬上看，離婦閨

中數惟有林泉客四時常作主

七言古詩

寄題葛芝山藏書歌有序

余有好書之病芝山葛子殆甚焉豈非同病相憐者哉然士夫家率喜小說古人解經之書多閣而不行雖則余憫之但求諸紙上之陳言孰如無言尤愈也芝山別余日久願各努力期不負素心則固有千里同堂者矣

芝山葛子書滿屋錦帙牙籤數萬軸架上亂積

七言古詩一
繩頭書、床間總是牛腰束、漆字奇文久不傳、竹
簡蝌蚪誰曾目、君家盡有古今秘、燦爛猶如手
未觸、長天苦誦不輟口、夜深還向螢牕讀、我亦
好書真成癖、遠搜博訪及窮谷、片時不離鉛槧
間、半生正墮魚蟲窟、嘗聞世南行秘書、天子出
入隨華轂、結習猶坐陳隋餘、獨有河汾尚經術
只今頗會川上心、一笑無言樂事足、後四十年
駕文螭、披髮與子遊亭毒、

曳石歌

中間劉公天下士、聚石為友有深意、以為末俗
不可交、不如友石為有益、初時即得太初巖、飛
鳶動鶴相繼至、雲谷滴翠扒槎蟾、餘悉有名今
不記、十石昔列含輝亭、邑人遊宴誇神異、巖竇
分明峯巒聳翠、矯首頓足嚙眉、伏犀奮激舐觸
騫騰、沉墜偃僂趨進、踈齧歌倚巧恠、峽巖挺拔
峭峙、衝斗排雲、棲霞掩日、夜飛光芒、晝屯靈氣
中有深窾、藏龍蛇、外多異勢、愁魑魅、或如公子
或如傲吏、或如衆賓、出遊群臣入侍、又如蹲螭

怒蜺驚鳥迅鷲抱犢卧天門戴鰲湧平地太湖
錦川不可方紫英靈壁徒增媿劉公有時狂興
發把酒澆石示同志一壺止得飲一杯雖數十
壺亦不醉公歿十友散不收藤花溝斷空憔悴
官府居民爭輦載我今喜已得其二有一尚留
西皋莊野蔓女蘿相掩闕傳聞植立當宅中兄
弟分居幾遭毀界墻此石礙半尺剝擊其面憑
利器骨格精神尚宛然誰云好物非完備人取
我與古有之我取不因人所棄突兀將及一丈

高搬移頗集群工智宋人曾派花石綱元時亦
折粮例蕞爾一石且非遠涉月經旬不可致傾
囊已捐數十金倩牛各費千斤力何時可得達
國門屹立新園心始遂我以好石名東方五倍
劉公還不啻願移此心養性靈人生百歲真如
寄君不見古齋老人張受益巨石猶存亭久廢
麻灣之東牧羊兒踞坐其顛不知避又不見菱
溪群稚嘯聚時對石終朝恣遊戲富貴豪華似
水流群石拋擲如散屣始知奇物有廢興始知

人事有更易玩石雖可寄閒情莫教喪志為吾
累此與前後象恭歌原是三賦因聲調不似賦體改為
三歌然亦非歌體諺所謂一家不成兩家不就者也

杪秋村田樂

山田茅舍野人家世敦儉讓不矜誇半壁古甌
為伏枕一壺豆液當清茶男僕懵懂如野鹿女
婢兩手如烏鴉惟是渴飲流霞飯飽胡麻或有
類乎驕奢一泓綠水村中遠無數青峯戶外斜
屋裡晦明雲聚散窓前新舊竹交加排空白鴈
傳寒信越水紅鴛卧暖沙挺挺踈枝多檜栢蒼

波折蓬頭金眼俱難得更有奇葩割不齊儂若
點粧黃鶴頂不殊刻鏤粉包然知名搃計百餘
種遠出三江近出淇亂插滿頭真醉客斜挑兩
鬢是歌兒醉客歌兒紛來往主人始一到東籬
東籬花比年時好欣賞偏宜酒與詩憂心久不
拈詩筆病足無緣把酒卮寶萼不禁秋雨挫嬌
顏苦被曉霜欺正當濃麗旋狼籍不怨西風可
怨誰暖日晴烟過矣凍雲輕霰倍凄其香心
已上蜂房去殘朶還依曲檻垂浮浪羞稱堯李

七言古詩五
樹飄飄一任亂風吹當其灼耀全堪玩偶爾凋
傷百不宜錦片將填明目枕瑤英長啜可充飢
開時常有蝶相趁敗後蝶來似不知慘淡幾畦
難着眼蕭條三徑感愁眉數莖整整教莖亂一
半亭亭一半欹靖節何由拋縣印靈均無以吊
湘纍雖是靈根猶固秘詎知綠葉捻離披人言
花影坐間移我嘆花開能幾時逝水光陰留不
住掀天事業杳難期撫膺自壯丹心在照鏡驚
看兩鬢衰一瘁一榮常事爾莫因殘菊重傷悲

輕衣穿急峽投鞭端可斷長江談笑風生白羽
扇指揮霧湧碧油幢驅後三千虎旅分數十二
龍驤捷如馳八駿險如攻五羊或盟於召或會
於黃不但雄兵犁草地能將尺組繫名王青海
又聞征可汗白登忽報走高皇遲如圍苜蓿入
蔡條忽遲速誰能量驍駭遠深藏虎穴喧譁不
減聞鷄場危如張許支孤壘狹比孫劉保一方
戰酣日影移松榻畢剝之聲鬧竹窓近友旁觀
如奮怯遠人喪氣納新降擊節高歌青玉案攤

盆贏得紫羅囊曾公智窮敗赤壁項王勢蹙劔
烏江能行老驥今伏檻失水遊魚不跳梁慄疾
無殊鷹攫兔追奔有類犬群羊今番敗北愁東
魯謾道馳聲滿鳳陽吾以棋名擅天下後先訪
者紛相望蔡榮陳珍有職守屢會朱相共曾揚
二吳擔簦不憚遠一歲一來惟小張神品方能
稱入室有如此輩只升堂君不見鐵冠道人
喜棋損却閒心終有傷陶侃將棋投諸水運甌
習勞力不遑學成無用屠龍技作歌何事自誇

張聞人譽己謙為美惟有棋家必自揚况我年
高猶乏嗣精神收斂自然無病而繁昌

後象棋歌

象戲傳流七國時定名演義周武帝顛倒豪傑
掌握中收羅神鬼歸骨髓變化無端幽玄莫測
意在子前神遊局內八路須通九宮慎入莫走
顛崖宜居要地濟弱扶傾摧強破敵絕勝醉紅
不必呼白勢有大小貴能善識劍戟倚天長旌
幢掩日黑莫露語以洩天機在潛形而成獨智

彼強我弱避其峰，我家彼衆張其勢。喜降準之
既昌，嘆烏騅之不逝。失馬塞翁難豫知，牧猪奴
戲不須悲。水底魚龍成隊出，天邊鴻雁破行飛。
奮翼悍鷄爭赴鬪，嘶風駿騎控交馳。五霸紛紛
相啖噬，群雄糾糾自誅夷。當頭用砲能蕩衆，夾
肋藏車可突圍。衝陣輕驃長不測，守宮二士莫
相離。將無急難休輕出，左右仍須謹隨護。車有
先鋒保駕名，更專劫寨奪旗譽。龍離海嶠砲佐
車去，虎下天關馬有卒。輔廣略疆場，殲殪強禦。

如畏晉師，如坑秦卒。狡兔三穴，窮猿一木。野狐
中箭，仙人換骨。知和而和，可速則速。或全軍討
叛，或單騎見虜。觀之可以暢高情，蠲塵慮。升沉
原自有由，勝敗曾來不定。有勇不可無謀，五敗
為求速勝。國手得勝防輸劣，棋隨手即應。或喜
如獻捷，或慚如亡命。或見機便決，或疑思入定。
無言手自揮，坐對心相競。上絃河而喜，心旁溢
遊夾岸而怒，氣倍增。再論不迴之子，實為敢死
之兵。周流無滯，搏擊擅能。車騎尚存，周戰法偏。

禪曾備漢官名，管中八面將軍重。河畔斜飛卒
伍輕，飛鳶鷲見連翩影。古木時聞剝啄聲，忽復
傾盆半夜雨。又疑錯落滿天星，勁難與京牢不
可破。玉女接胎飛蛾趨火矢石糾紛，戈矛交錯
帥運謨猷，深居帷幄。甲兵附麗以相資，勿俾分
離而難活。逐虜方聞，鴈塞清講和。把鴻溝割繪
禽場翅，怎高飛。置兔羈身難遠脫，犀角能將一
水分。鰲頭莫遣三山墮，大笑推秤鷲四鄰。天風
滿屋涼潑潑，再較一局。用卒當前，彼敵為其阻。

礙我師借以遮攔，行行不斷着着求先縱。讐越
復恤弱刑遷，昏中見日。火裡生蓮，出能破局。入
可斬関，禁子若泰山之壓。成家如磐石之安，潼
関險蜀道難。一夫坐守，萬夫莫攀。決水而擒龍
且削木以殺龐，消象棋不減圍棋。與手談勝與
俗人談世間之苦，有如倒懸橋中之樂。豈下商
山賭酒不輸難，中聖用心於博，似猶賢迹名海
島。從今日坐隱，揪秤不論年。招呼衆友終朝為
戲具，一任人情世事雨覆共雲翻。

喻意

夢中有客惠佳酒呼奴抱去熱來嘗忽聽鷄聲
驚夢覺鼻內猶聞酒氣香追悔一時用意錯酒
佳涼飲有何妨人世百年真一夢夢中有喜有
悲傷功名得者乘涼飲失者遲迴待熱觴功名
得失有如此買歌且醉大堤娼

苦熱書懷

憶昨芳辰鶯出谷忽臨朱夏燕巢梁但有片雲
風攪散何由一雨掃炎光嫩柳陰多涼却少老

槐影短景偏長綠竹園中疑縱火冷泉亭上似
探湯南畝有憂同父老北窓豈得傲羲皇炎火
方能療病骨敲冰稍可潤枯腸升沉遠邇俱同
熱不論林泉與廟廊人生在世無非客官罷回
家亦是鄉但守困窮嚴節操莫隨時俗改梳粧
捨官恨少雲中手已疾還須海上方要展奇謀
為事業不徒操筆擅文章止知平步登鰲背豈
料人心險馬當萬戶何時侯李廣百年今已老
馮唐事不得平多感愴似因病熱發顛狂從君

身佩斗大黃金印，不如高卧仙人白玉床。

夏日聞倭報

少狂有志靜邊疆，老病何曾遠出鄉。岸柳垂陰荷吐香，漁竿長是釣斜陽。油然一雨減炎光，陡覺西窓午夢涼。醒來餘困坐石床，南友忽聞走報章。開封後贈雙明璫，極稱海寇甚猖狂。不但慈谿首被創，雄兵數萬薄蘇杭。震蕩瓜渚及淮揚，北兵未練何能當。海上連年起戰場，軍民大半若殘傷。先朝何術款遐荒，皇恩汪濊武威。

張可比高宗伐鬼方，更兼江漢美宣王。平倭安得有劉江，捷音立奏。明堂今日聊為詩一章，莫遣他年讀此淚千行。

國朝輔弼歌 止論已逝者

我朝賢相首三楊。文貞士奇文敏榮不妄刑人

惟一高。名臣言行錄一人惟商輅而已幼孜解縉

胡文穆。金文靖解學士胡先臣亡國後文皇高

毅有聲在英廟。苗衷兩朝亦翱翔。旅進旅退二

文憲。彭時景泰元年入閣本年去天順元年復入成化十年故費宋正德六年入九年去

十六年復入本年去嘉任淺徐劉及榮襄徐有貞數

靖十四年再入本年故任淺徐劉及榮襄劉徐溥人嘗會

袁宗字數日文和古直有奇節劉徐溥人嘗會

貪賊崔後渠移予書有徐溥之直則偽也人剛

正無如岳脩撰正守溪文行誰能當王恪文隱

二公俱豪俊石熊峰珪賢如文達欲短喪李賢

情起復羅倫以事理學文清獨居首薛博聞強記

丘文莊濬陳循謫戍不足惜王文被戮實堪傷

野亭有志惜不久劉忠正德五年自南都入許

彬詔獄氣還昌厚齋雖然失教子梁儲以子渭

屋有傳極稱揚霍韜有傳白其冤孝廟初年用

劉吉屢將端毅挫其芒王怒南塢善人徒伴食賈

貪稱莊靖佞焦芳陳守正不阿謝文正遷序菴

能與世低昂李文僖苦被張淮累漸貴丁丑會

一張懷石門子豈濫文場翟奎被劫父子同除

名諸云一焉當道雙鳳齊鳴三子殊能文社稷有功石齋老楊廷和當

外四家軍有輔佐中興之功洩機八黨李東陽

張永在大用羅祥試問清脩兼謹飭近來毛蔣

昔王黃紀冕一陽峯垂老也拜相張璧松臯厚德

世家言許讚父子納賄招權夏公謹言被貪婪

何止萬文康安官久遠菴劉文靖遠菴有才文

靖方清揚未齋文忠馬學士三公俱是狀元郎

顧鼎臣西樵得君古今少同者惟有桂及張大

禮議成賴宸斷能為萬世立綱常方獻夫善

於用人為急務古言宰相無他長古有名相自

用長善又言鼻吸三斗醋撐船腹內量難量如

白髮嘆

此相臣有一个致君端可並虞唐

初生白髮兩三莖對鏡微聞太息聲今來白黑

各相半不須照鏡空長嘆再過幾年白更多不

知嘆息復如何昔年扈蹕乍離京有輿都是公

與卿扣筭行年各不小髮黑者多白者少疾馳

日夜二百里烏藥雖難染洗忽然一日朝行

宮人人俱是白頭翁仕途愛少乃常態改頭換

面巧作性亦有髮白心轉黑少年心事却明白

我今久矣離瑣闥骨中素不藏鱗甲頭黑頭白

取自然不敢尤人不怨天

莊上曲

十年身離五雲鄉，選勝尋幽得此莊。鹿遊委巷魚遊梁，山遠平林水遠牆。有時萬籟奏笙簧，不殊樂向洞庭張。自甘粗糲作齋糧，困內新來有緇梁。但同跛足後人行，莫似直絃死道旁。心有餘閒體自康，便是千金有效方。復河湟，繫名玉，驅逐倭酋靜海洋。壯志悉從衰病降，悲歌感慨嗚嗚不復少年狂。

寓言

有人曾學隱形術，術猶未得驕其妻。試問此身見不見，妻笑吾眸無鬼迷。面面相覷只咫尺，不隔比隣與藩籬。有身何故不能見，無乃精靈為變幻。夫恠其妻語不情，脚蹴手批口相訕。次問及妾妾佯驚，後瞻未已仍前睇。詭言夫主有何能，藏身不見只聞聲。夫喜入市便攫物，物主初疑怒漸生。批蹴更比其妻甚，咤聲大罵如雷鳴。術人高叫任推殘，要見吾身却是難。予昔居京大拘泥，怕叅宰輔與達官。踈斥累遭猶不悔，跳

身重執舊漁竿

以馬遠松圖寄壽春谷潘母

馬遠丹青古今少能將手筆奪天巧弟兄父子

產河中之後登朝名不小遠麟俱世榮兄達神妙

真能比范寬精微不但過張藻黃荃徐熙難獨

高雄律定然失荆浩人物山川已擅塲畫松更

覺窮幽渺礫珂靈根入地維鱗皴老幹侵天表

客至庭中知錦屏葉敷簷際張幢葆紛紛青

玫瑰拂拂紫茸擗藤薦踈影誤疑明月碎

聲苦被秋風攬岩崖乍睹虎蹲伏風雨忽驚龍

天矯夜半疾雷轟破山雲迷不見蓬萊島妖魔

照海失其珠重泉蛻骨迹煩惱又如壯士遭束

縛崢嶸志意終無了曾毗負霜表其裸吳淑月

雪稱其姣沆瀣有華注樹底日月搏光薄樹杪

流脂凝結為茯苓青牛伏龜背至寶益壽堪同

方朔桃養神不異瓊田草沉寘完固保貞心輪

菌藟蒼含至道森踈偏于矮屋宜剪除不被雜

花繞一鶴將雛日日來兩童擁篲時時掃五百

年前不盈把如今數人難合抱潘母樂游乘鳶
鶴潘子辭官狎魚鳥母賢夙將子教成子孝能
令母壽考膝下幼孫有相摩眼前瑣事心無擾
身健不資藥餌靈髮玄更映容顏好流影偏臨
華宴遲長春復值瑤池曉有時搔癢把松枝松
枝有似麻姑爪此圖到日懸高堂母子相看應
笑倒殷勤遠意聞遐齡形可久延如水槁豈獨
後凋凌歲寒壽將後天長不老

席上小雪歌

冬日酒筵非一設招賓賞雪始今朝落花皎潔
同歌扇飛絮輕盈妬舞腰人道堪豐頰滿尺吾
欣潤麥不封條雲中日出猶柔出地上雪消還
未消傳聞戍卒少完衣莫向窮塞塞北飛

寒雪行

雪深徃歲沒長堤今幸依稀階石露
鷲粵犬誤疑天曙叫秦鷄頓令一夜青山老
壓千竿綠竹低塩虎斜蹲窺戶牖玉龍倒掛翫
撐犁夷人謂天為撐犁又見釋典映蕊葉讓蟾宮色作賦

先分兔苑題窈窕素娥朝真闕紛紛白鷺集沙
溪空中不見飛禽影地上惟應躑躅馬蹄子見莊病
軀起栗寒滋甚翳眼生花望秋迷自暖孟辟寒
犀二物貴珍不可得且補齋雜俎補妻與狂高
唱陽春曲乘風欲踏上天梯

陳翁六十壽詩

緱城有鶴瞿瞿骨高纖纖碧頸蓬蓬羽毛千
為蒼二千為玄口吐龍精落在莘田乃生金
草采服可以延長年君也已周花甲手編

壽從今始

從軍行

道逢戍卒走且僵滿面風塵飢又黃自稱原是
農家子勾丁補伍羽林郎有時較射出郊野無
事終年食太倉手弄寶刃光燦爛口吹鐵笛韻
悠揚飽暖止知居輦轂艱辛豈料備封疆秋高
忽爾邊聲動旄頭夜夜吐光芒鴈門馬邑傳飛
箭狼煙處處遙相望亭障龍堆多陷沒夜半血
書達建章詔下公孤同畫策禁兵點選拔其良

有人勸我巧辭避，負國辜恩後豈昌。千日養軍
不一出，不如重病卧于床。兵凶戰危不復慮，欣
然調馬治軍裝。被命每矜心慷慨，臨岐難免淚
淋浪。迅烈砲聲雷電發，飄飄赤幟火雲張。紛紛
虎翼連營壘，對對魚鱗列陣行。離家方及十餘
日，早已前軍至大荒。蕭蕭白草連天遠，漠漠黃
雲亘塞長。路滑雨多傷馬足，礮深水咽斷人腸。
偶值驕胡相格鬪，彼強我弱實難當。骸骨山前
相撐拄，兵家勝負乃其常。不似合番太慘烈，一

生萬死最堪傷。搜尸天幸獨能免，避影潛形脫
戰場。枵腹難充隨蓐食，征衣針剪累金鎗。單飛
老雀偏悲海，失侶孤鴻却憶霜。病衰戰敗逃軍
籍，牖下爭如死道旁。望見鄉山空浪喜，到門無
復舊田桑。賦重差繁難卜著，親隣徃歲盡流亡。
一身落落誰堪倚，四顧茫茫涕滿裳。游子思歸
如不及，歸家還只是他鄉。

仙子跨鳳圖為高鶴泉乃堂慶壽題

有鳳蹁躑雲外翔，紛紛靈氣拂烟霜。身載九苞

呈瑞應羽成五色燦文章軒律一聲協節候虞
韶九奏韻悠揚朝餐竹實如玉屑夕飲醴泉勝
甘漿忽然覽輝特來下飛瓊乘之環珮瑤聲也
顏色如花貌如月天風飄蕩彩霞裳手捧丹書
不敢怠金母封識來西方高君母氏逢初度大
開華宴召歌嬋俯流綺戶香雲暖仰視壺天白
日長龍笛一吹聲激烈鳳圖高揭動輝光兒孫
環侍供奇饌賓客爭先舉賀觴爾我致辭雖不
一同期賢母壽而康母壽定然過一百一年一

度登其堂

魚圖為馬惟則秀才題

是誰畫此金色鱗噴沫吹波甚舒暢搖尾忽驚
月似鈎奮身只覺江如盎幾番錯過化龍期怒
聲翻把鳴蛙讓風雷震動天冥冥島嶼浮沉雲
蕩蕩鞞鞞鼓聲兩脚垂鏗錡鐘韻潮頭上崑崙
既道洪河流禹門兩壁森相向只許錦鯉躍成
龍揚鬢鼓鬣隨風浪霹靂一聲山岳摧紛紛水
族神魂喪堪嗟鱣鮪與黃鱧撥刺池塘空徬強

尺玉銀梭更細微。翻萍堂識江湖量。酒斂吞舟
各不同。人才小大堪相况。聊贈此圖懸高壁。蕭
蕭滿座生寒漲。待君宴罷鹿鳴歸。更掃魚龍變
化盈庭障。

田舍翁歌贈雲峰王士登

城西村落似柴桑。衆口同稱是上鄉。王氏一門
為土著。雲峰鄉行更無量。世情經慣俗緣斷。心
火消除旁境涼。獨坐有誰為伴侶。打門無吏傲
羲皇。馬經農譜時繙閱。數卷丹書委石床。大雅

春來粟米細。小刀剪得野蔬香。風前蘆笛聲高
下。月底牛鞭影短長。驅僕及時勤耒耜。逢人不
欲具冠裳。閒步携筇輕險阻。高歌扣角中宮商。
柳堤掩映斜陽外。藥圃平臨古道傍。野徑有苔
長綠遍。園林無樹不紅芳。田內早禾集鳥雀。山
頭晚照下牛羊。但遇達官急退避。每邀詞客共
徜徉。祀欽穀父兼蚕母。社鼓闐闐音韻揚。花影
忽移窓外日。飄風難掃鬢邊霜。暮景催人來促
促。青春背我去堂堂。仰觀天上雲方散。可愛松

稍月復光手拙頑童剪燭短興高隣叟引盃長
門前大樹因風折塲畔堅牆積雨傷肺病秋來
連日作嗽痰坐卧兩相妨莫謂兒癡不解事孫
如蘭玉儼成行官租家務俱能辦朝曛湯藥有
人嘗眼前樂事如君足病起由今壽且康

題瑤池春曉圖壽

衡王

有池海外曰瑤池金母居之不可窺青鳥歌喉
能入聽紅鸞舞掌自堪怡春融似覺山川醉水
濶如將世界移皎潔冰壺初映綠

多

姿旭日腫朧鶯語滑東風駘蕩蝶飛迷福地
茫超濁世仙踪渺渺隔天涯忽驚曙色海邊發
猶見銀河雲外垂出浴金龍方整駕粘天玉兔
不曾虧曉露輕沾紅杏萼祥烟密織綠楊絲石
鯨噴浪偏能遠玉女步塵歸不遲來獻賢王
千歲壽充庭耀目享多儀手捧玉函龍虎字口
稱金檢鳳皇辭更有蟠桃千歲實紅如瑪瑙甘
如飴正當鴻鴈來賓日又是蟄蟲始震時淮南
好書堪比擬東平樂善可追隨座上善談京氏

易沛獻王善談京房毫端拈出楚元詩此圖權

易事見續漢書

代千秋鑑惟願池上桃花吐葩結實長滿萬年枝

古鏡歌 許少華見寄未久聞其即下世

矣

許子寓書捐寶鏡殷勤封識自西京啟封如見
故人面感嘆睽離歲月更寶物由來不易得滿
堂座客盡皆驚士古方能高譽望鏡如不古不
通靈此鏡不知出誰氏必然捫冶所親營千年

銅氣俱消盡百鍊冰姿始得成涉水端能藏水
恠入山可以辟山精龍紋錯落土花蝕鳥篆鱗
紋蒼蘚生搖手無波菱自動疑眸不月夜長明
照時先把流塵拂觸處如聞哀玉鳴圓潤隋珠
誰不羨完歸趙璧喜相迎火齊水心那堪比金
錯銀華浪得名暈去金波偏灑漱萍開芳沼更
澄平反觀螭鳳蟠渠背高掛蟾蜍墮我楹瑩碧
將人肝膽見妍媸何以處其形置頓雖無瑋瑁
鏡臺 貴逼近床頭伴短檠十載已驚青鬢改幾

朝更覺白髮盈，老年得鏡嘆流影。盲者得鏡徒
覆甕，况聞許子已物故。覩物爲能不慘情，可惜
魏徵亡一鑑，側身西望淚如傾。誰知覽照臨臺
意，翻作山陽聽笛聲。

遊仙引壽南冶馬濟周

世人劫劫度昏朝，世事紛紛祇自勞。豈若學仙
遊物外，不嬰世網脫塵囂。服氣終朝除九患，虛
心每夜扣三茅。名在赤書生伏骨，爐成丹鼎改
霜毫。黃帝道因廣成子，裴航有幸遇雲翹。赤松

黃石長相聚，金簡靈符遠見招。冉冉雲輶遊紫
府，飄飄風馬四上青霄。蓬島有時撫若木，瑤池幾
度宴蟠桃。石髓如泥充美食，芝房似玉作嘉肴。
異味芬芳盈夏鼎，仙音縹緲聽虞韶。變化古來
稱管輅，飛昇不但有王喬。蒼龍天矯臨丹竈，彩
鳳和鳴應碧簫。馬君生有仙人分，累功積行善
和調。仲春吉日乃華誕，七十又五年已高。馳馬
不殊當日健，挽弓猶似少年豪。壽年由此應無
限，長與羣仙共遊遨。袁君汝節翁之友，托致祝

詞報故交。此際聊為遊仙引。他年更撰海山謠。

思德堂有序 嶺南翁君為豪家誣訴將

從戎邊鄙其母楊氏具奏四伏 闕下其寃

始釋君因作思德堂以紀之屬予賦詩翁君

大司馬東厓之父楊氏則東厓祖母也

翁君之父好俠客。亭亭竒節凌清風。壯遊直擬漢司馬。標格不與今人同。可憐白壁蠅易汚。岷直見忌奸雄徒。飄然受誣不自雪。甘心謫竄流江湖。竒哉楊母丈夫策。四扣天閭始一白。玄夜

雲開秋月明。青霄海運神鵬翮。吁嗟乎古來枉事詰。屈不得伸。咸由骨肉非其人。即看楊母慨慷振精烈。頓使萬里寒谷回陽春。安居無復遠戍苦。遷徙不出揭陽閩。思德有堂君自結。窓開四面海之濱。嗚呼海水有時竭。此心思德無休歇。

海山謠壽少溪謝亞卿

初度在九
月四日

君不見四海相連獨稱東。渤海滄溟名不同。迴
流百川雲縹緲。委輸萬壑量含洪。一望鯨波無

七言古詩
畔岸千尋蜃氣何龍從，疏派橫流如地盡。元精
靈氣與天通，迎承瀛谷容無外。吞吐三山勢自
雄，水伯長居島嶼下。仙人時聚金銀宮，鰲頭穩
載波如鏡。兔魄東生月似弓，水影照臨叢桂綠。
霞光掩映扶桑紅，瀛洲員嶠虛無裏。方丈蓬萊
指顧中，遙覩之罘知漢跡。嘗遊碣石侈秦功，又
不見天下名山首岱宗。懸崖盤磴百千重，險登
日觀驚還喜。仰視天門峻且崇，雲驟易為天下
雨。霜嚴難老澗邊松，日升彷彿底波鳥。兩歌分

明見彩虹葱嶺岩，堯全掩日竒峯岌業半浮空。
葱嶺竒峯元阻塞，何時神斧鑿鴻濛。一線路通
無限利，牧童樵子始相逢。四序一年相轉易，千
巖萬壑難形容。有時蒼翠如玕貝，有時秀麗如
芙蓉。瀑布飛來驚急電，颼颼不斷起長風。崑崙
懸崖躡虎豹，凌騰怪石舞蛟龍。自古天齊標巨
鎮，于今雲闕遍王封。百千萬禩聲稱遠，七十二
君封禪降歲星。降作東方朔，海嶽今鍾謝少翁。
驚人遠邇流芳譽，許國平生惟朴忠。亞卿歸里權

棲鳳御史 當朝曾跨驄下瞰貪名汨利輩有
如螺贏與沙蟲官情不復隨飛絮旅跡何須類
轉蓬龍山高會今非遠慶壽華筵備且豐月過
初三光漸復節臨重九菊成叢高秋玉宇金風
細拂曙金莖玉露濃芝蓋羽旗紛燦爛彩旄翠
節光曛隴首 微不日勤催吏久廢留予作老
農卿相功名君唾取惟願壽年長與山海同無
窮

嘯菴吳相士歌

相法年來誰最精兩山李老久馳聲應麟牛氏
多奇中自學燒丹術不行更有長清馬宗信出
言屢驗使人驚東方海鶴兼李寶有時小失莫
相輕嘯菴吳子南都彥堪與數人同一鳴抵掌
遊子極稱許丰神氣格本天成面如同字逢金
木暮景舒長健且烹松栢經霜常獨茂竹梅逼
歲有餘榮回頭自嘆春秋邁盈耳人高月旦評
祇悲親遊情難已不做官來夢亦清願希智士
心如鑑堪笑愚夫目似盲不解反躬三自省惟

搖巧舌屢相爭相術亦有如此者往往令人氣

不平那辨妻強難得子謂眼下有每因舅氏識

其甥多似舅國初惟有袁忠徹父子齊名鮮與

京僧人智念亦云可惜中年即喪明有相無

心随心滅有心無相逐心生桓温自是有奇骨

陶侃曾來得異禎相者謂其左手中有堅理

血壁上仍腦貫伏犀當大貴眉長過目有文名

君能一一窮其妙至處人皆倒屣迎此去為予

動物色不拘隱逸與公卿伯樂能知千里足方

今誰是萬人英

醫士黃承佑歌有序

姚江黃承佑號龍岫者携醫術客吾章

城章人病者日起然止一人一身之病

耳貪殘之病有大於是者於其別歌以

送之因併及之

君不見世俗尚鬼不降醫病則尋巫恐後時聞

有延醫脫俗者病名藥性一無知及畏劫和顛

倒用醫來即是鬼相隨吾章近日醫多效外客

黃生更出奇，宣節攻調兼。砭熨近宗四子，劉張朱李
遠軒岐抱病，吾今猶未愈。試向黃生一問之，在
心為憂身為病，吾病無乃憂所為。又不見東國
民貧勢不支，內銷肌骨外瘡痍。困踣流離不忍
見，良方妙劑將安施。刑簡賦平敷善政，是惟良
牧與醫師。民瘼卒然能脫體，吾身獨病亦舒眉。

隱居歌

力辭朝市老林泉，風景深疑此地偏。無限山川
盈一掬，有時日月巧雙懸。雜花墻下紛秋蝶，五

柳門前咽暮蟬。欲訪高僧過白社，改稱大士號
青蓮。可憐馴鶴開籠去，覺有毒龍就榻眠。正喜
三旬繁雨露，豈期萬里斷雲烟。當日惟憂笛不
秀秀而今恐不能，堅周貧恤困廣招延。安得銅
山許鑄錢，不如歌詠醒還醉。萬事無心只聽天
一醉一醒歌且詠，古人何幸獨稱賢。

射歌

尼父曾觀瞿相圃，文皇習射殿廷前。予雖好射
苦無力，善射良由父。且專弓彎月滿，稍相近箭

去星流甲自穿嘉儀存揖讓觀德在周旋無事
淬金鏃有時射廣川猿號徒抱樹鳥落逐鳴弦
自矜常中的誰敢注縉錢甘蠅伏獸真神藝紀
昌貫蝨不絕懸豈知射以不中貴事見春秋燕語兵以
不用居其先大勇過人能不怒將惟勿殺乃稱
賢南倭春汛常防海北虜秋高屢寇邊武備不
如文德重雖有萬千射手將焉用

農歌

君不見神農之世天雨粟創為耒耜及斤斧

禹隨山刊其木后稷因之藝五穀天有陰陽寒
與燠地有燥濕旱兼陸田已耕者名為熟昏日
農祥休失度親踈有禮上下序宅不毛者出里
布三時深戒奪農務四野誰敢不耕獲五肉調
而五味輔五蔬踈而五果助壯者家給人皆足
老者衣帛還食肉近多貪暴為民牧里老下鄉
衆遭毒征徭偏是及窮獨光明不照逃亡屋民
火動搖元命促安得緩征薄歛免使閭里向隅
哭

邊報行

防秋之後已燒荒，虜無知犯。帝鄉入路忽，
從墻子嶺驅羊，何以禦豺狼。通罕續結親，與辛
愛鍊或行勾引，不能詳。一番內寇，一番利爭說。
其鋒不可當，薊西京左多殘破。雲屯蟻聚數難
量，道路相傳紛不一。血書火報遙相望，庚戌年
間曾有此。今冬乃叶冠十，慘毒更堪傷。急徵
韃舍近且強，內兵精選羽林郎。不用勞軍臨細
柳，急須遣將出長楊。甲士材官稱宣大，奇兵馳

騎老漁陽一為內援，一截殺中國之技用其長。
急趨通倉富芻糧，過絕歸路嚴為防。箭發流星
弓滿月，旗翻急電劍飛霜。草枯清野勢難久，四
方勇士况勤王。不時掃蕩煙塵淨，萬里長瞻日
月光。

說者任良歌

何七琵琶名已久，說書任良世鮮有。蹴圓關美
如風柳迭進可娛林，下叟兩人兩足及兩手。只
敵一人談天口，捫舌我今如未偶。無言默默神

應守任乎任乎幸得餽有餘粟罇有酒莫恃刺
刺能言長奔走

宛陵山水歌贈三尹胡胡山

陵陽山勢鬱嵯峨環視他山俱不過隱起三峯
當其勝敬亭百里接坡陀東姑之外有銅井鼈
峯而下是陽坡青弋有江當允地近峯更有珍
珠河河經鐵牛入于宛層巒疊障自森羅山水
叢中有巨邑土風民俗醇且和租辦無勞嚴督
吏官閒應不廢吟哦簽書文檄同相議元符間詔各縣

丞尉同赴長官庭簽書秋菊春蘭爭幾何唐裴

文檄相議應行事且

為鄆尉以文法稱同列李朝隱以詞學稱或問

二子優劣於長史陳崇業應曰春蘭秋菊俱不

廢莫謂同寅惟簿小行看異政得民多胡子幼

年有大志學成竟未掇巍科若論時文精至骨

古今詩賦亦無訛雖云行潔操還厲可是心慈

性不苛他日政成起擢後江村重整舊漁簑

贈瘍醫吉遷

瘰癧為瘡亦甚酷累累項下森相屬衆道言君
能治此清源遠致走童僕初見調膏黑似漆後

來改用紅如玉，那妨剗散勤敷貼。只忌水湯常
洗浴，不待月餘痕漸平。更遲數日勢全東，早識
夫君有異能。何必他人擅芳躅，幹旋造化掌握
中。司命焉能柄，延促雖善千方作。外科請聽一
語為忠告，百藥其間多有毒。從今切莫加髡粟

漁隱歌為邑人劉翦賦

堪笑人情重達官，翻將漁父等閑看。莫羨達官
市朝樂，市朝雖樂有辛酸。為漁亦有風波險，風
波雖險却平安。自視披蓑輕錦綬，誰知荷笠勝

我冠。搓絲垂釣香為餌，屈鐵成鉤竹作竿。小魚
响沫遊淺瀨，大魚鼓鬣起層瀾。大魚小魚隨所
獲，爭似伐檀置河干。渺渺西川風日好，茫茫一
帶水雲寬。鸞環鷗渚橫浮易，陡絕龍門直上難。
有時纜舟呼酒侶，半臨沙岸半臨湍。羊裘獨擁
巖臺暖，豹舄曾潛涓水寒。無分遨遊雙鳳闕，有
緣占斷九龍灘。我昔為官官亦達，釣魚興動謝
朝端。二十餘年甘隱逸，得君同志共盤桓。

雜體

憲副黃崖李公誄

上黨黃崖李公諱延康字允吉以通才積學
第進士以魁貌衆名選御史一任汝寧府推
兩巡邊腹重地僉事於汴叅議於陝而副使
則於楚在道十二年而陞臬在臬四年而陞
藩藩又五年而復陞臬臬且無何而致仕去
每積久而後陞惟作推三年徵取如常期公
心實而氣高行方而言直所以淹滯而竟不

獲大用耳。然其權貴聞風遠避，茶馬交易得
宜，築堤而河不為災，整兵而寇皆就，執官已
問者不避嫌而復其職，城久圯者不惜費而
完其工，居卿寺者政業或有不及，素不以詩
名，而高古精華，蓋作者流也。有閔中集可考
見，而其自謙之辭猶云：予不知詩，而顧詩者
聊以取適自怡，歸諸衰而已。古稱三晉多奇
節士，若公者其人哉！不惟早削任籍，而又早
登仙籙，在世年止五十六，葬今五六年餘矣。

南渠李相國志且銘之矣。藩叅乾齋先生欲
公之世行永其傳，而兼廣其傳也。兩次致書
中麓山齋，大意有云：黃崖季父歿後，允可闡
揚之作，諸體備矣，獨未有誄，敢以累及中麓
山人，嘗與公兄漳涯公同舉己丑進士，乾齋
又曾為濟南府推，著明允之聲，敷公平之政
息陰者，頌木愛屋者及鳥，而况老年友之同
母弟，舊明府之同其父產者哉！爰操柔翰，遙
托郵筒，乃作誄曰：

於惟李公夫誰與同性真而執貌美而豐外則
謙退內惟朴忠惡惡冬肅遇善春融生今之世
古人之風發身儒素列案臣工歷敷中外奔走
西東公庭寡訟囹圄常空勦捕強寇撫安困窳
叢林驚隼行殆避駘頌聲洋溢白叟黃童弓掛
扶桑劍倚崆峒名高北斗氣吐長虹乘興有作
詞人之雜白金絲幣恩賜獨隆中憲大夫位
非不崇忌猜罷免未竟其功投林倦鳥高舉冥
鴻翺然超脫塵世牢籠誅不能盡於惟李公

侍姬張三詠

侍姬張二年十八以嘉靖丁未十一月初四
日卒八日權厝於近遊園之北園在城南三
里許詠曰

貌美言溫性堅情真身雖墮落烟花心則迥出
風塵贊理內政蔚有令聞年青而折莫究厥因
豈爾家之薄福抑蒼蒼之不仁求之於古蓋張
真如其人惜乎不逢呂祖云
處士表西野像贊

魁然其貌，坦然其心。內養真有得，外物不相侵。
久賓鄉飲，寄跡詞林。敲碁無倦，放筆豪吟。能在
利名展腕，不隨塵世浮沉。踈狂情性，磊落胸襟。
壽年難量其數，物理獨觀其深。之人也，其即古
之真隱與遺直，今之識事而知音者乎。

自贊

少壯貌不踰人，而况衰年仕宦功未及人，而况
歸田自笑其柔如帚，漫誇其直如弦，舞劍雄豪
尚在，照燈形影相憐。無何有之鄉，携朋中聖。

是觀之域，許我逃禪。幸而以苦李獨存，樗材獲
全。雖經質史，斷簡殘編，窮年兀兀，終日乾乾。于
以多識于以寡愆。然吾詳吾後，吾愧吾前。斯亦
不足畏也已。小道有可觀者焉。相知過許，敢不
勉旃。文飛風雨，筆掃雲烟。黜末學耳食之陋，得
古人心印之傳。有出門合輒之通才，為閉戶養
高之時賢。名不殞於後日，學有契乎先天。及躬
自照，其然豈其然乎。

處士王雲峯贊

雲峯王友明敏端確行不苟同志不可奪雄談
憤激直氣噴薄不存形跡不露圭角善處恩讐
善藏鋒鏑能審時宜真知詞學若疎而密似文
而朴為賈為農半村半郭事未至者微霏機緘
獨能昭然先覺事不平者雖無干涉亦即愀然
不樂不負急有求者之皈依曾為賢縣主所倚
托寒素者就之如蓄火温室燥熱者即之如含
風高閣衣則冬惟一褐夏惟一葛食則厚味似
非養生傷則耽饑且能調藥少年氣猛如彪老

景形瘦如鶴斯其人草堂居士如魏野江湖散
人如陸游烟波釣徒如張志和將欲逝世而有
所托耶

雄鎮天邦贊

於美皇明定鼎燕京惟天設險惟地効靈華夷
隔限民物嘉亨無庸血戰不見金兵秦皇漢武
雄勇有敵追悔輪臺虛築長城于今邁古至德
難名敬為贊語以表微誠譬諸蟲鳥應候而鳴
章人開先太常少卿

洛涯丁二尹像贊

洛涯佐政吾章最久德澤入人最深裁決百為
朝夕不怠精白一心終始不渝忽爾就閒邑人
無長少無不涕零心痛以為數十年來僅得此
真父母乃捨子弟輩而去無依之嘆失所之憂
由今不免矣巡邏官栢暹遠鵬程李宗傑順民
之心慰民之思以夏文彖繪其像一送一留中
麓子敬為之贊曰馭吏凜然如霜非傲也處事
截然如割非躁也介然如石冷然如水者其操

也温然如玉盎然如春者其貌也至於澹然如
無懷蕭然如靖節非致政後林泉無窮之樂也
耶

雉朝飛

雉朝飛寧啄我之梁勿集我之桑去年桑葉綠
黃蛹釜中翻今年桑葉綠乾殺箔上蚕吊客遠
方來因之對客說自從吾妻亡使吾紈素缺五
語一長吁十語一嗚咽吊客咸吾勸勸吾切勿
悲人生固有命不見雉朝飛

高秋思子辭

嗟余既衰嘉偶兮、渝年始隻、通媾於齊之東兮、
濟水之陽、歸而埋中饋兮、佐蒸嘗、生得一雛兮、
繼承有望、聲氣洪碩兮、眉目清揚、苦為造物所
奪兮、三歲而殤、撫之踟吡兮、泣下數行、送之郊
野兮、摧裂衰腸、儻忽秋深兮、草木萎黃、白露穰
穰兮、又重之以嚴霜、日苦短兮、夜偏長、天寥廓
兮、地迷茫、涼月臨東序兮、鳴蟋蟀於西堂、感時
物之變遷兮、憂不降、念兒遊之日遠兮、倍煩傷

將何術為之、湔釋兮、惟遠遊與高翔、涉洪河兮、
無舟航、登崇岡兮、多虎狼、徒矯首而延佇、夫誰
知余心之所藏、

樵婦吟五首

即入深山去採薪、遠無伴侶近無親、明朝要往
長街賣、賣得錢來且濟貧、

更深月上是歸期、月滿柴門尚未知、豈是儂處
山低月上早、多應即處山高月上遲、

斯守何曾暫別離、別離一夜勝多時、儂情好似

機頭錦橫也絲來豎也絲

尋郎尋到日三竿郎已跌在山前積水灘殘臂
病軀無氣力寺門失火救廊難
強負樵郎走且停登高涉險幾曾經雖然此日
同辛苦勝似夫欠官錢妻受刑

車遙遙

車遙遙。遙遙行未已。只載官租不載書史。官租
完日無催擾。書史誤人何日了。



村女謠

三條路兒那條光那條路可上東莊東莊有箇
紅娥女不嫁村夫田舍郎村田雖好他不喜一
陣風來兩鬢飄竈旁門外雞隨犬院後家前馬
伴羊一心嫁在市城裡早起梳頭燒好香一壺
美酒一鍋飯一盞清茶一碗湯從今不見惱懷
事里老催科又下鄉



提
中
林
三
六
四

九
四
月



№ 307